

Dornskridoù Milin: Kanaouennoù

84. LES NAUFRAGES DE LANDEDA

1. Selaouit kana me o ped
eur verz a nevez koumpozed, bis
great var zujed an dud veuzed.
2. C'hozek oant eat en eur vagad
d'an Diouris da vit koat
da Droumpou ar Roue da Sezoun
Klêvet a reod pebez eztoun
- (3). Lavared en d'oa gread Iannik Kola,
en deiz dezo aliez e veach,
Lakid o pâg, a ben e Kameled
aoun braz am euz na veac'h beuzet.
4. I a grys hak a gane
ni d'en d'oump ket potred Plougerne
ma vije bet ar re ze er vâg man
a vije breman o krena.
5. Eun truez braz oa kleved ar c'hri
a rea an dud keiz o veuzi
hak i o krial oc'h Doue
da c'houlen Baradoz d'ho ene.
6. Eur manac'h a gouent an (Elez)
a yoa o pourmen en e verjez
hak a yeaz diouc'h ar c'hri
d'an aod evid o Absolvi
7. Intron varia an dreinded !...
O c'hozek en devez absolved
roet dezo an absolven jeneral
Kredit en devoa kalz a c'hlac'har.
8. Euz a vourg plougerne e veze goelet
an tan en aod en noz ze
o veilla gant ar c'hozek den beuzed
glac'har oa d'o Intañvezed.

- 254 -

9. An intañvezed eo a goële
na gavent den o c'honsolje
pephini o vouëla de bried
beza oa kalz o doa minored.

10. Pevarzek a yoa euz ar reze
pere o devoa bugale
an daou all a yoa nevez demezed
er Iaoù tremen oa bet o eured.

11. Daouzek er c'heur a yoa laked
pevar dre dud a voa douged bis
da vont da enterri d'ar vered.

12. E Landeda pa int errued
ar veleyen kana ne ellent ket
nemet an aoutrou 'r c'hôd a blougerne
ennez a gane gant gras Doue.

13. E Landeda m'ar d'oc'hui bet
ar c'hroaziou eno oc'h euz goeled
emañt eno tro var dro d'ar vered
var ben beziou an dud veuzed.

VVVVVVVV